



## **OPĆINSKI NAČELNIK**

**Broj: 01-1-11-2-1355/24**

**Vitez, 19.04.2024.godine.**

Na osnovu Budžeta općine Vitez za 2024. godinu, Programa utroška sredstava iz Budžeta Općine Vitez za poticaj privredi za 2024 godinu, usvojenog na sjednici Općinskog vijeća Vitez održanoj dana 03.04.2024.godine Općinski načelnik, objavljuje:

### **JAVNI POZIV**

### **ZA PRIKUPLJANJE PRIJAVA ZA ODOBRAVANJE SREDSTAVA ZA POTICAJ PRIVREDI OPĆINE VITEZ ZA 2024.GODINU**

#### **PREDMET JAVNOG POZIVA**

Predmet Javnog poziva je ostvarivanje prava na novčane poticaje prema Programu utroška sredstava iz Budžeta općine Vitez za poticaj privredi 2024. godinu usvojenom na sjednici Općinskog vijeća Vitez održanoj dana 03.04.2024.godine i to za:

- LOT 1. Poticaj osnivanju novih biznisa;
- LOT 2. Poticaj „Sufinansiranje troškova zapošljavanja novih radnika“;
- LOT 3. Poticaj "Sufinansiranje nabavke sredstava koja služe za obavljanje registrirane djelatnosti".

#### **1. Poticaj osnivanju novih biznisa**

Pravo na poticaj imaju lica koja su registrirala djelatnost kao osnovno zanimanje ili osnovala preduzeće na području općine Vitez u periodu od 15.07.2023. godine do 22.04.2024. godine i nemaju obaveza po osnovu javnih poreza i PDV -a. Pravo na poticaj nemaju samostalne djelatnosti koje su registrirane kao dopunska i dodatna zanimanja. Maksimalan iznos poticaja za samostalne djelatnosti je do 1.500,00 KM, a za preduzeća 2.000,00 KM.

Za ostvarivanje poticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdano od nadležne institucije (ovjerena kopija);
- obavještenje o razvrstavanju djelatnosti prema Klasifikaciji djelatnosti (ovjerena kopija);
- potvrda o izmirenim obavezama po osnovu poreza i doprinosa (dostavlja se original ne starija od 60 dana);
- potvrda o otvorenom bankovnom računu poslovnog subjekta (dostavlja se original ne starija od 60 dana) .

Isplata podsticaja za osnivanje trgovačkih, ugostiteljskih i obrtnih radnji može biti ostvarena jednom u toku 2023. godine za jedan poslovni prostor.

Predviđena sredstva 33.000,00 KM.

## **2. Poticaj „Sufinansiranje troškova zapošljavanja novih radnika“**

Pravo na poticaj imaju lica koja imaju registriranu djelatnost kao osnovno zanimanje ili preduzeća na području općine Vitez, koja su zaposlila radnike u periodu od 15.07.2023. godine do 22.04.2024. godine, koji su bili na evidenciji Zavoda za zapošljavanje i nemaju obaveza po osnovu javnih poreza i PDV -a. Iznos poticaja je 800 KM po zaposelnom radniku. Podnosilac zahtjeva može ostvariti poticaj za maksimalno 3 radnika 2.400,00 KM.

Za ostvarivanje poticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdano od nadležne institucije (ovjerena kopija);
- obavještenje o razvrstavanju djelatnosti prema klasifikaciji djelatnosti (ovjerena kopija);
- uvjerenje da se lice koja su zaposlena prije zapošljavanja nalazila na evidenciji Zavoda za zapošljavanje;
- dokaz o prijavi radnika (ovjerena kopija);
- potvrda o izmirenim obavezama po osnovu poreza i doprinosa (dostavlja se original ne starija od 60 dana);
- potvrda o otvorenom bankovnom računu poslovnog subjekta (dostavlja se ovjerena kopija).

Predviđena sredstva 29.000,00 KM.

## **3. Poticaj "Sufinansiranje nabavke sredstvava koja služe za obavljanje registrirane djelatnosti"**

Pravo na poticaj imaju lica koja imaju registriranu djelatnost kao osnovno zanimanje ili preduzeća na području općine Vitez i koja su nabavila mašine i drugu opremu koja služi kao osnovno sredstvo za obavljanje registrirane djelatnosti čija vrijednost prelazi 1.000,00 KM, u periodu od 15.07.2023.g. do 22.04.2024. godine i nemaju obaveza po osnovu javnih prihoda.

Maksimalan iznos po kandidatu je 2.000,00 KM.

Za ostvarivanje poticaja potrebno je uz zahtjev dostaviti i sljedeću dokumentaciju (original ili ovjerene kopije):

- rješenje o registraciji izdato od nadležne institucije (ovjerena kopija);
- obavještenje o razvrstavanju djelatnosti prema Klasifikaciji djelatnosti (ovjerena kopija);
- račun o kupovini mašina ili druge opreme (ovjerena kopija) ;
- potvrda o izmirenim obavezama po osnovu poreza i doprinosa (dostavlja se original ne starija od 60 dana).
- dokaz o otvorenom bankovnom računu poslovnog subjekta (dostavlja se ovjerena kopija).

Predviđena sredstva 33.000,00 KM.



## PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Općinski načelnik. Komisija će izvršiti provjeru priložene dokumentacije i sačiniti zapisnik o otvaranju prijave, obići na terenu sve prijavljene kandidata koji ispunjavaju propisane uslove, sačiniti zapisnik na osnovu kojeg će se utvrditi lista uspješnih kandidata koji ispunjavaju uslove iz Javnog poziva. Netačne i neblagovremene prijave se neće uzimati u razmatranje.

**Jedan aplikant može ostvariti pravo na poticaj samo na jednu poziciju.**

## NAČIN I ROK PODNOŠENJA PRIJAVA

**Rok za podnošenje prijave počinje teći od dana objave Javnog poziva na WEB stranici općine Vitez i traje 17.05.2024. godine.**

Zapečaćene prijave sa priložima šalju se preporučenom poštom ili lično dostavljaju na adresu:

Općina Vitez, Stjepana Radića br.1, 72 250 Vitez

Sa naznakom ne otvarati : „ NE OTVARATI - po Javnom pozivu“-„ Podrška privredi na području općine Vitez za 2024. godinu“. Nepotpuna, neuredna, netačna i neblagovremena dokumentacija neće se uzimati u razmatranje. Čitko popunjenu i potpisanu prijavu (obrazac) na Javni poziv možete preuzeti na protokolu općine i na web stranici. Prijava može ići samo za jedan od lotova.

## ZAVRŠNI DIO

U postupku javnog poziva općina Vitez ne snosi nikakve troškove učesnicima poziva, te zadržava pravo da prijavu prihvati u cjelosti, djelimično ili je u potpunosti odbije, poništi javni poziv ili odbaci sve prijave prije donošenja konačne odluke u odabiru korisnika. Isplata poticajnih sredstava će se izvršiti na transakcijski račun korisnika istih, a otvoren kod poslovnih banaka.

Ukoliko se planirani iznos sredstava za određenu vrstu poticaja iz objektivnih razloga u cjelosti ili djelomično ne bude utrošen, Služba za poduzetništvo i lokalni razvoj Općine Vitez i Komisija za provedbu javnog poziva za ostvarivanje poticaja mogu uz suglasnost Općinskog načelnika navedena neutrošena sredstva usmjeriti na realizaciju drugih poticaja iz ovog Programa.

  
**OPĆINSKI NAČELNIK**  
  
**Boris Marjanović**